

DISSERTATIO INAUGURALIS MEDICA,
DE

USSI INFANTUM EPIDEMICA,

Quam,

AUSPICE DEO PROPITIO,
Et Consensu atque Auctoritate Gratiſſæ Facultatis Medicæ
IN ALMA REGIA FRIDERICIANA,

P R Æ S I D E

. D. MICHAELE ALBERTI,

MAJ. REG. BORUSS. AULICO ET CONSIST. MAGDEB. CONSILIARIO,
ED. ET PHILOS. NATUR. PROFESSORE PUBL. ORDIN. ACAD. NAT. CUR.
COLLEGA, SOCIET. REG. BORUSS. SCIENT. SODALI, ETC.

DECANO H. T. SPECTATISSIMO,

Domino Patrono, ac Promotore suo omni honoris cultu prosequendo,

PRO GRADU DOCTORIS,

**IMISQUE IN MEDICINA HONORIBUS ET PRIVILEGIIS
DOCTORALIBUS LEGITIME IMPETRANDIS,**

HORIS LOCOQUE CONSVETIS,

ANNO MDCCXXVIII. D. XVIII. OCTOBR.

PUBLICAE AC PLACIDAE ERUDITORUM VENTILATIONI

SUBJICIET

R E S P O N D E N S

M. ANTONIUS GUILIELMUS PLAZ,

LIPSIENS. MISNICUS.

HALÆ MAGDEB. LITTERIS HENDELIANIS.

Digitized by the Internet Archive
in 2019 with funding from
Wellcome Library

<https://archive.org/details/b30791510>



PROOEMIUM.



Uemadmodum post lapsum homo morbis & morti subjectus est, ita vicissim sanum illum esse corpore & firma valetudine præditum, natura primum est homini bonum dixit Philiscus apud Dionem Ep. 38. p. 79. quam ob rem

Plinius Lib. 7. nat. hist. c. 50. eloquitur: pro miraculo & id solitarium reperitur exemplum Xenophilum Musium centum & quinque annis vixisse sine ullo corporis incommodo & Laertius lib. 8. refert: maxima felicitatis celebratur Zeno, quia nonagesimo octavo ætatis anno vita excessit incolumis atque integer sine morbo; id quod Max. Tyrius diff. 20. p. 208. de Diogene hisce testatur verbis: Diogenes Sinopensis Ponticus, ita toti naturæ adsueverat, ut hoc vivendi genere & sanitatem sibi pararet & robur vitamque quam longissime extenderet; nec interim aut medicorum egeret remediis, aut ferro, aut igne, aut Chirone aut Asclepio;

nec defunt alia exempla, quod varii homines a teneris satis sani, vegetique vixerint, quorum tamen numerus longe minor est, cum plurimi homines multis morboris incommodis affligantur & quamvis nihilominus morbi satis infrequenter homines invadant, dum corpus nostrum secundum *S. Codicem testaceum*, secundum *Prudentium caducum*, juxta *Salvianum ep. 4. terrestre vasculum* est, quod facile læsionibus subjicitur, ut mirum existat, cur illud non indies morbis oppressum compareat, tamen morbi omnes ætates, sexus, temperamenta & gentes invadunt, ut ab infantia ad ultimum vitæ terminum multiplex ægritudo homines obruat: Interea sub hac meditatione mox ulteriori observationi se commendat, disquisitio majoris & minoris dispositionis & prærogativæ ad ægrotandum: dum inter alios Infantes præcipue & facile & frequenter variis corripiuntur morbis, qui non modo aliis ætatibus ex parte communes, sed qui huic teneræ ætati plane proprii existunt, ut propterea infantes mox post partum suam deplorent humanam calamitatem & miseriam; Etenim mollities & teneritudo animi atque corporis, sensibilitas naturæ, humorum laxius cohærentium copia, variarum impuritatum congeries, aëris multipliciter variati efficax actio in tenellum corpusculum & adhuc aliæ speciales causæ, facilioribus & frequentioribus morboris invasionibus obnoxios reddunt infantes: hinc non modo satis sæpe hi ægrotant, sed & numerosius moriuntur, ut secundum annum computum
plures

plures infantes, quam alterius ætatis homines præmatura morte extinguantur: In hac consideratione merito partim insuetudo morbis resistendi, aut illos sponte subjugandi, deinde teneritudo corporis annotanda est, quod causæ nocivæ citius alterare & offendere possint, sicut alias in corpus mollius corruptio facilius intrare potest, partim etiam mollities fibrarum haud satis apta existit, quo singulis causis morbosis præparandis & expugnandis satisfaciatur; hinc potius impuritates coacervari, humoribus puris & laudabilibus firmitus insinuari & solidis partibus diutius & tenacius adhærere possunt solentque; unde varii morbi & fluidas & solidas infantum partes corripunt, ut tota infantilis ætas morbis plena & onerata existat: neque quidem principalius debilitatem infantum promiscue in morbis accusare convenit; quoniam & fæminis cognitum est, quam multa illi perferre possint, ut sæpe in admirationem ducant, quando proportionem inter pusillum corpusculum & morbi gravitatem instituunt; quantum etiam robur multis infantibus in morbis familiare sit, testantur vehementissimi motus convulsivi, qui a debilitate generis nervosi derivari haud possunt, quamvis subinde negandum non sit, quod in nonnullis morbis infantes valde enervati compareant: Et licet variæ causæ, morbos provocantes, confirmantes & sustentantes in ipso infantum corpore generentur, tamen multæ & illæ etiam satis efficaces & perniciosæ ab extra communicantur, quæ totum corpusculum

sculum infantum potenter invadunt & graviter alterant: Hæc eximia proclivitas ad ægrotandum permovet *Hippocratem* ut *Secl. 3. aphor. 24. 25. 26.* morbos infantili & puerili ætati proprios clarius indicaverit, cujus vestigia prefferunt *Schellhamerus* & *Stablius*, qui solide de morbis ætatum fusius egerunt: & quoniam morborum infantilium magnus est numerus hinc varii Medici, quos prædictus *Schellhamerus l. c. cap. 2. sect. 1. § 1.* nominat, peculiari studio infantum morbos pertractarunt: Et quamvis morborum infantilium plurimorum causæ satis manifestæ sint, tamen quoad therapeutica directionem singularem pariter merentur attentionem, quoniam communis illa difficultas & afflictio medicum angit, quod non semper ad nutum ordinata remedia tellulis & valde renitentibus subjectis propinare possit, unde interea morbi sæpe accrescunt, ut serius tandem medicina paretur: quid quod communis illa morborum infantilium qualitas afflictos tenet medicos, quod aut cito ad funestum properent exitum, aut pertinacius continuent, motuumque ominosas anomalias complectantur: E numero illorum morborum, qui infantibus valde familiares sunt, perquam cognita est Tussis, quæ a tenera Infantia in pueritiæ periodos varias ob causas irruit & procedit, unde multam interdum opem & vigilantiam medicam requirit: & quamvis nonnulli, quibus frequentior hujus affectus invasio cognita est, illum non semper pro periculoso æstiment, tamen alii contra majori metu & angore illum advertunt,

tunt, variaque funesta de eodem referunt, siquidem catarrhum suffocativum latitantem, phthisin ingruentem aliaque ominosa de illo prænunciant: ast ne in ullo extremo prudens & peritus medicus peccet, præstat utique species hujus affectus ejusque causas & origines probe discernere, eoque medicam tractationem sollicitè applicare; Sed ne ampliore labore suscipiamus; inter alios Infantum morbos **TUSSIM EPIDEMICAM** brevi explicatione, hoc in Inaugurali themate & Specimine indagare & pertractare lubet: Adsit huic instituto divina gratia idque prosperis successibus secundet.

§. I.

DE *Tussi Infantum Epidemica* differentes ante omnia *nervum & peculiare* respectu tituli enucleare & illustrare debemus, ut eo magis *specialis* hæc observatio inclarescat: & quamvis ad *Tussim* subeundam valde *proclivis* sit *infantis* ætas, tamen hoc themate plane *singularem* Tussis speciem proponere lubet: etenim aliquando infantes a *nativitate* ob malam *pulmonum* conformationem, velut *indurationem, concretionem* cum *pleura* &c. tussi laborant: nec non infantes *rhachitici* nati, notantibus *Primerosio, Glissonio, Mayovio* tussi valde *molesta & suspecta* frequentius affliguntur: proinde *aëris frigidi* inspirationem, *frigidi potus* ingestionem, sensibilem reliqui *corporis refrigerationem, sudoris* repressionem, aut paulo majorem *afflatum aëris* tussis molestæ invasio sequitur; alii infantes *dentitionem* cum *tussi* conjunctam experiuntur; quidam cum

cum acboribus, scabiosa infectione, variolis & morbillis, purpura urticata &c. tussim subeunt: aliqui ob lac pravam, ob ventriculi nimiam oppletionem, ob alvi obstructionem aut segniorem exonerationem in tussim incidunt, adeo ut ex diversis causis tussis frequentius infantes corripiat & nunc pectoralis, nunc stomachalis, nunc alterius indolis existat: quid quod talis infantum tussis, non modo saepe subjecta invadit, sed & diu imo aliquando vehementer detinet, exercet, cruciat, ut cum metu & commiseratione afflictos infantes tussientes audiamus, quid quod in illa cura constituti simus, ut in tenellulis corpusculis actualem & funestam internam viscerum aut vasorum disruptionem praesumamus; neque tantum tussiculosa tales calamitates a causis communibus ortum trahere solent, sed & non raro cum plane extraordinariis cohærent, unde cum variolis, morbillis & specialissimis aliis exanthematicis efflorescentiis consentiunt: nos hoc loco non promiscue de omni infantum tussi, neque de eminenter symptomatica tussiculosa afflictione differimus, quæ prædictos exanthematicos morbos comitatur, sed aliam Tussis speciem indicabimus & explicabimus, quæ ut plurimum magis morbum, quam symptoma morbi constituit, quam tussim interdum exanthemata quædam sequuntur & consecutive comitantur, ut ex indè gravis complicatus morbus emergat: Est itaque hæc tussis vehemens pectoris & pulmonum succussatio, cum profunda & anxiosa aëris retractione & subitanea efflatione, nec non suffocatorio spastica comminatione & eximio clangore & sonitu, suffocationis punctum referente, ut & expectoratione multæ spissæ tenacis materiæ flavescens, quasi purulentæ, interspersis nonnunquam cruentis stigmatibus conjuncta, a certa aëris intemperie excitata, per intervalla & instar paroxysmi sæpius irruens, proinde diuturnum decursum servans, anormales motus febriles provocans, sæpius etiam purpuram, cutaneas inflammationes, lentam febrem, imo aliquando hecticam & mortem.

mortem pedissequas habens: De hac specie tuslis hoc loco præcipue disseremus: Per Infantes non tantum intelligimus pusiones, quam diu fari aut loqui nequeunt, juxta vernaculam Unmündig: uti Cicero pro Cluent. c. 18. eloquitur: timebam si nihil dixissem ne infantissimus existimer; sed potius periodum Infantia extendimus cum Censorino & Dieterico n. 643. ad septimum ætatis annum; qualem ætatis infantilis ambitum & periodum etiam agnoscit Celeb. D.D. Stablius in dissert. de fundamentis morborum ætatum: conf. de tali differentia ætatis infantilis ad mentem Hippocratis Hollerius Comment. in 3. Sect. aphor. 26. Epidemicam hanc appellamus, utpote distincte insolitam & a causa externa proveniente, unde uno eodemque anni tempore plura individua corripuntur: hinc Epidemius morbus, populariter grassans nuncupatur: huc referimus, quæ Foesius in Oeconomia Hipp. sub titulo επιδημικῆς profert: popularis morbus externus aut adventitius habetur, a communi & insolita causa natus: de quo Libb. Epid. agit Hipp. ut & de vernaculo Lib. de aëre loc. & aq. επιδημικὴν νόσον & causam valde communem facit Hippocr. nempe aërem quem inspiramus, non victum: & porro: Cum vero morbus unus populariter & vulgo grassatus fuerit, manifestum est non victum (forte non primario) sed quem trahimus spiritum in causa esse: proxime: Sunt qui toto genere perniciem præ se ferunt, qui λοιμώδεις & pestilentes sunt: alii vero minores, qui generis nomine επιδημικὴν vulgo & populariter grassantes vocantur, quales multi Libb. Epid. describuntur, qui cum omnibus communes sunt & universales, passim & in obvios quosque sæviunt, valdeque communem causam, nempe aëris inspirationem habent: Et Willisius in histor. Febr. Epidem. pro causa Epidemiorum morborum non semper malignum aut venenosum aëris vitium, sed interdum constantem, aut diu durantem anni temporum intemperiem cap. 17. agnoscit: id quod etiam Ballonius Lib. 1. Epidemiorum testatur; ex qui-

bus inclarescit, quod hanc tussim *Epidemicam* quidem declaremus, sed *minus contagiosam*, aut *proprie malignam*, nisi *malignus* quidam affectus eidem *superveniat*: ita *Hagendornius* singularem talem *Epidemicam tussim* *Cent. 1. hist. 83.* descripsit, quæ in *nonnullis* subjectis expectorationem quasi *purulentam & eruentam* complicatam tenuit, licet hæc a *præsentis* thematis specie adhuc discrepet. *conf. Act. Uratislaviensis 13. Versuch. p. 375.* Et hæc quoad *titulum* indicare placuit.

§. II.

Convertimus nos jam proxime ad *Historicam* hujus tussis delineationem, ut ex genuinis suis *signis* magis inclarescat tam *species*, quam *indoles* hujus affectus: quod itaque *subjecta* concernit, quæ *hac tussi* affliguntur, tunc communiter non sunt *infantes valde tenelluli*, sed *infantes viribus comparate robustiores & corpore firmiores*, adeoque in altero & sequentibus ætatis annis constituti, utplurimum haud ex *famelica* culina enutriti, sed *diæta bona & plena* fruentes, hinc de *lymphæ* ubertate participant, subinde *excitatoris* animi, crebris *curstationibus* corporisve *exæstuationibus* subjecti & in *temperie æris & diætæ* varios & frequentes errores & *excessus* committentes: inchoat hæc tussis familiariter, utpote *alia tussis sicca*, pedetentim *increbescens*, alvi *siccitatem*, in *nonnullis* vero subjectis suspectam *adstrictionem* inferens, per *plures* dies continuans, citra *subitaneum febri- lis* motus concursum; proxime vero hæc tussis ita *augescit*, ut per *naturalem diem* *iteratis simultaneis* vehementibus & repentinis insultibus invadat, adeoque *alternante succussatoria* pectoris *extussiente* agitatione affligat, *repente profunda retractione* æris & *conjuncto ex intimis pulmonum adscendente clangore & sonitu*, velut *quiritante & epilepticorum* instar *clamante* continuet, mox subito *extussionem* prædictam prosequa-

sequatur & sub hac materiam *spissam, tenacem. flavescen-*
tem, copiosam, velut purulentam *intra os* deferat, quam
 afflicti miseri infantes *exspuere* haud valent, ut propterea
 adstantes illam ex oris cavitate subito abstergere & edu-
 cere debeant, quoniam uno actu mox insequitur prædicta
 violenta & impetuosa *retractio* aëris, aut *suffocativa* inspi-
 ratio, sub qua hæc materia, quæ *intra os* delata fuit, denuo
 in *asperam arteriam* reducitur, ut *postea* vehemens *extussio*
hanc & novam aliam similem materiam ejiciat, qualis misera
mutatio & repetitio modo recensitæ *extussionis & spastico-*
suffocativæ aëris *retractionis* uno eodemque tali paroxysmo
 per *aliquot* horæ momenta durante, decies aut vicies,
 contingit, ut adstantes aut subitanæam *suffocationem*,
 aut violentam internorum viscerum *dilacerationem* con-
 sequentem pertimescant: sub tali vehementi commo-
 tione afflicti infantes extreme *anguntur*, in facie admo-
 dum *rubescunt*, imo *livido & suffocativo rubore* exan-
 descunt, *venæ capitis* inturgescent, *sudor anxius frigi-*
dus in toto corpore erumpit, cor valde *palpitat*, pulsus
durus, magnus & fortis sub tali paroxysmo existit, quid
 quod miseri infantes sub metu *suffocationis* constituti,
manibus pedibusque valde operosi existunt, *calcitrando &*
brachia vehementer *projiciendo & agitando* angorem &
 summam suam afflictionem denotantes: quotiescun-
 que talis paroxysmus *præteriit*, toties extreme *enervati*,
animo & corpore abjecti conspiciuntur, donec post ali-
 quam moram *vires* quadantenus colligant & *paululum*
 reficiantur: Et hujus calamitatis scena non modo per *ali-*
quot dies, sed & per *plures* septimanas continuat: *appetitus*
 interea, si *solitaria* hæc est *tussis*, *mediocris* per initia est
 si vero *diutius* continuat, aut cum *alio* *consequente* affe-
 ctu *combinatur*, non modo magis *imminuitur*, sed &
 tandem plenarie *dejicitur*. Materia quæ hac *tussi* ejici-
 tur ipsa etiam *quantitate* valde *ominosa* est, siquidem *quo-*

libet insultu & paroxysmo tussiculoso magna illius copia expectoratur, ut subinde facile concludere liceat, quod illa quantitas quæ in termino naturalis diei evacuetur, non facile, aut semper uno eodemque pondere eademque quantitate in pulmonibus latitaverit, sed quod illa continua translatione successive intra eosdem afferatur: interim singularis illa est observatio, quod eadem materia durante acerbitate huius affectus semper prædictis qualitatibus referta & prædita sit, unde illi, qui huius tussis indolem nondum pernoscent, anxia & terribili prognosi phthisin erumpentem ominantur, licet hæc materia adhuc ab illa, quam phthisis è pulmonibus projicit (ut infra §. V. notatum est,) diversa sit, interim huius tussis excreta materia, partim majori flavedine, partim eminentiori spissitudine, partim odore & copia a purulenta materia vera discreta est, quæ alioquin in nonnullis affectibus, tam simplicibus quam complicatis expectorari solet.

§. III.

Ex hætenus recensitis indiciis facile porro inclarescit, quod hæc Tussis de Profapia & specie Convulsivæ Tussis existat, in qua diaphragma validissima contractione multum patitur: talem analogam Tussim medici Parisienses annotarunt, quam ex numero recurrentium paroxysmorum tussim quintam & quintanam appellarunt; nos vero antea indicavimus, quod hæc tussis multo sæpius recurrere soleat in nostris regionibus: parallelam Tussim commemorat Dn. Reinmann Medicus Eperiesinus in Historiis Uratislav. XXXV. Vers. §. 312. seq. de qua tussi autor scribit: Es betrifft dieselbe meist die kleine Kinder, und die so intra primum annorum septenarium constituiret sind: adultiores gar selten; weil nehmlich dieser ætas humidissima ist: de nostra tussi porro in histo-
rica

rica relatione indicamus, quod interdum *medioris Coryza* eidem conjungatur, imo quod sub *vehementi* tussi non modo *spissa* materia *fauces* oppleat, sed & *infundibulum* intret, adeoque per *nares* exeat & *suffocationis* metum augeat: ob hunc *angorem* *urina involuntario*, sed *violento* plane modo exprimitur, & si *alvus* non clausa & *stricta* est, *excrementa* plane dejiciuntur: *acerbitas* porro hujus tussis sub *quolibet* paroxysmo totum *vultum* immutat, *oculos* valde protuberat, efficitque ut *plenissimo* ore *anxii*, *infantes* spiritum attrahant, hincque *anguli* oris non raro aliqualem *rupturam* patiantur, & *sincerus* sanguis ex ejusmodi locis *dilaceratis* effluat; præterea ejusdem tussis impetus ita gravis & *vehemens* est, ut sæpius unà ob *diaphragmatis* constrictionem *stomachus* irritetur & totus *ventriculus* in *consensum* trahatur, ita ut sub tussi actuales *vomitiones* concurrant, quibus id, quod in *ventriculo* hæret, siue fuerit *alimentum*, siue *medicamentum*, siue *recrementum* simili impetu ejicitur & eructatur, ut ob *necessarii alimenti penuriam*, *eximia contabescencia* & ob *remediorum* rejectionem totius affectus major *contumacia* conjungatur: quoniam itaque hæc enormis tussis per aliquot hebdomadas sua *acerbitate* continuat, ita *indies* magis *habitus* corporis *impallescit*, *extenuatur*, aut *marcescit*, ut metus *phthiseos* & *hecticæ* ingruentis & urgentis animos adstantium & adstantium corripiat & detineat; imprimis *facies* valde *tenuis* & *pallida* comparet, *oculi* redduntur concavi, *nares* & *mentum* acuminantur, *labia* oris *impallescent*, *livor* *oculos* circumducit & *turbidus* color hosce obscurat: hinc superato hoc *arduo* tussiculoso morbo, recensita hæc indicia testimonium evidens de *gravitate* affectus perhibent; Notatu quoque *digna* illa est circumstantia, quod *infantes* quemlibet *ingruentem* paroxysmum tussiculosum prænoscant & uno quadrante, aut dimidio spatio horæ ante

tea *distinctum* angorem, peculiarem respirationis *difficultatem*, pectoris *oppletionem* & ominosum *ronchum* in *pulmonibus* experiantur, sub qua afflictione & angustia communiter insolita *taciturnitate* & *enervatione* affecti conspiciuntur miseri infantes, ut adstantes ex hisce signis mox *insultantem* tussim prælagiant, quæ etiam subito irruit & tragoediam suam, hætenus commemoratam, agit; Hæc tussis aliquando *ita violenta* & *enormis* est, ut intimius *disruptio* quædam superveniat & proinde una cum prædicta materia *sanguinis* sinceri notabilis & *ominosa* quantitas eructetur: quicunque etiam infantes *copiosum* sanguinem gerunt & antehac actuales *narium Hæmorrhagias* experti sunt, vel in easdem *inclinant*, illi sub hac vehementi tussi & compressione sanguinis intra caput, *facilius* expressionem & *emanationem* talem sanguinis e *naribus* comitantem & totum affectum *ominosorem* reddentem suscipiunt.

§. IV.

Dum itaque *tantis* calamitatibus præsens tussis affligit & *diu noctuque* continuat, miseri infantes sub *indies* augescente *virium* prostratione, *turbulentum* somnum, aut *insomnes* plane noctes experiuntur; unde *major enervatio* & *reliquarum* functionum vitalium, animalium & naturalium *gravior perturbatio* consequitur: huic tussi vero in *multis* infantibus cum mora supervenit *ominosa purpura*, sive *rubra*, sive *alba*: hoc purpuratum miasma si *humoribus* innatat & cum hisce, *teneris* partibus membranosis & nervosis *advehitur*, tunc non modo præsentem tussim *contumaciorem* & *acerbiorem* reddit, sed & præjudiciosam *alvi adstrictionem* causatur & *febrilem* motum convocat, qui in *rubra purpura* *lenior*, in *alba* vero *intensior* & *acutior* est; servat tamen hic suas *remissiones*; interim *non diu* remittit, aut intermittit & *uno die paulo*
tran.

tranquillior, altero vero fortior esse comparet febrilis paroxysmus: sub hoc statu appetitus plane projicitur & vires plus prosteruntur: quamprimum vero purpura efflorescit, præcipue rubra, tunc tussis sensibilibiter mitigatur; quæ mitigatio vero in alba & periculosiori purpura non tam cito consequitur, quoniam ipsa hæc purpura paulo longius se protrahit: & cum hoc purpurato affectu concurrunt insuper consueti & distincti, quos nominant acidulos, sudores, Urina est rubicundior & si affectus bene procedit, sedimentum largum modo rubello-pallidum, modo puniceum deponit: efflorescit vero hoc miasma purpuratum magna satis copia, cum eximia asperitate cutis; imo ubi major impuritas humorum adest, alba præcipue purpura, in facie & manibus præter ordinem & consuetudinem efflorescit, ut & valde protuberat, ita ut exempla in praxi medica occurrant, quod talis distincta maligna purpura leprosum quendam statum præsentaverit & æmulata sit: Continuat itaque talis purpuratus affectus per unam alteramve, imo plures septimanas, & si exanthema, quod semel effloruit, non retrocedit, spes major restitutionis affulget: interea etiam contingit, ut sub continuante placida diapnoë & pervacta efflorescentia cutanea alvus, quæ antea tenacius adstricta fuit, nunc sponte liberetur & indies multa, sed non repetita dejectione se exoneret, naturaque tali modo in ordinem revertatur, quod indicium fidum consequentis convalescentiæ existit; proxime pustulæ cutaneæ exarescunt & desquamantur, febrilis motus tepescit, mitescit & tandem penitus cessat, appetitus eminenter, imo cum aviditate revertitur, vires pedetentim colliguntur, tussis, quæ hætenus acerbissime afflixit, imminuitur & frequentia recursus & vehementia gradus & motus & eminentia copiosæ materiæ, quæ hætenus excreta fuit; hinc miseri patientes longius tempus acquirunt ad cape-

pessien-

peffendum *Somnum*, acquirendam *quietem* & erigendas colligendasve *vires*; Hisce omnibus notatu dignis circumstantiis *hanc* adhuc annectimus, quod in *variis* infantibus, qui hac *tussi* & *purpurato* laborarunt affectu, *finita* purpura, modo in *facie* & *collo*, modo in *brachiis*, *dorso* & *pedibus* *minores*, at *plures* oriantur *superficiales inflammationes*, quæ ad *maturationem* properant & numerosiora *apostemata*, quæ sub *inflammationis* & *maturationis* processu gravissimos *dolores* excitarunt, constituent, adeo, ut in hoc alias *gravi* affectu nulla calamitas *sola*, sed *complicata* & *multiplicata* sit: interim & hi abscessus *purulenti*, *successive* *sponte* consolidantur & ab iisdem afflicti *infantes* liberantur.

§. V.

Interea *non omnes* *infantes*, qui hac *tussi* correpti sunt, *purpuram* & *superficiales* *inflammationes* experiuntur, sed si hic affectus *meliori* coronatur exitu, post *sex*, imo adhuc *plures* septimanas, *tussis* pedetentim *minuitur*; interim hætenus afflicti *infantes* valde *debiles* sunt, neque cito *vires amissas* colligunt; proinde aut *extenuati* & *pallidi*, aut *tumiduli* & *pallidi* in *facie* conspiciuntur; *appetitus* lente revertitur & post *pastum* quædam *molestia ventriculi* corripit, imo interdum *febrilis lenis*, at *anomalus* motus, *febri lentæ* similis, supervenit, ut itaque talis *tussis* in *variis* *infantibus* *specialem* talem *appendicem* complectatur; quando vero *congrua medicamenta* propinantur & continuantur, tunc hæc *ventriculi molestia* proxime *emendatur*: in *infantibus* temperamento *floridiori* & *sanguine copioso* præditis, *tussis* hæc in sua *vehementia* continuans, *anomalicos febriles* motus concitat, qui deinde totum morbum *graviozem* indicant: quo *impetuosius* ac *contumacius* *tussis* persistit, eo *facilius* *excretio alvina* turba-

tur

tur & imminuitur, ut subinde humorum decubitus *intra pulmones* fortius & diutius insistat: Hæmorrhagiæ narium, sub hac tussi obtingentes & vil provocatæ, *nihil levaminis* afferunt; si *largiores* fuerint, magis *enervant* & reliquum affectum turbant, si vero *spon*te in infantibus *calidioris* temperamenti & *plethoricis* evenerint, tunc *capitis* dolores, *febriles* concursus & fortiores *congestion*es, ad *caput* & *pectus* abeuntes, mitigant: Ob gravem commotionem *tussiculosa* oriuntur etiam dolores in *hypochondriis* & in dorso *convulsi* & alternantes *tensorii*: quando vero *purpura* huic tussi *supervenit*, tunc dolores *spastici artus* etiam affligunt & cruciant: eadem etiam *vehemens* & *frequens* *tussiculosa* commotio adeo *musculos* thoracis, *respirationem* sublevantes, *enervat*, ut in *exitu* morbi nihilominus *respiratio* paulo *difficilior* permaneat, quamvis *oppletio pectoris* *mucida* non valde amplius *urgeat*: hinc *pectus* aliqua *roboratione* indiget, quam *respirationi* administrandæ novisque *humorum affluxibus*, *secessionibus* & *stagnationibus* avertendis satisfaciat: illud vero in hac *historica* præsentis affectus descriptione annotamus, quod *materia*, quæ excernitur, ab illa, quæ in *phthisi*, *peripneumonia* & *angina suppurata*, nec non *vomica pulmonum disrupta* ejicitur, ut & quæ in *ulcere faucium* & *ozæna* exscreatur, valde *discrepet*; siquidem in *phthisi* *materia* non *ordinarie* est *spissa*, nec *flava*, sed *liquida livida*, *spumida*, *pallido-livescens* & *fætida*: in *peripneumonia* & *angina suppurata* est quidem *flava*, sed *semicruenta*, *liquidior* etiam & *olida*; in *vomica pulmonum* est valde *fætida*, *discolor*, *flavescens*, *livescens*, *cinerea*, *cruenta*, ex parte *tenuis*, ex parte *spissa*; in reliquis *ulceribus* est *distinc*te *fætida*, *cinerea*, *livida*, *spumida*: hæc vero *materia*, quæ in hac tussi ejicitur, est *valde flava*, quasi *sulphure*, aut *dilute croceo colore* tincta, admodum *spissa* & *co*-*hærens*, adeoq; *viscida*, ob quam *tenacitatem* tam *ægre ex*-

C pecto-

pectoratur, in faucibus obhærescit & *sponte facile excerni* *haud* potest, quare accurrentes & adstantes illam materiam, quotiescunque in *anterior*em oris regionem pervenit, mox abstergere, educere & separare debent; *aliquando* hæc materia, ut *supra* monitum fuit, *cruentas* *moleculas* *intermixtas* habet, quem statum medicus *haud* promiscue abhorrescere & ex eodam infallibilem *phthi*seos consecutionem prælagire debet: siquidem hic *exiguus* sanguis non semper e *pulmonum* substantia provenit & si etiam ex ipsa provenerit *levis* læsio *faciliorem* *reparationem* & *consolidationem* subit.

§. VI.

Post *Diagnosticam* præsentis affectus explicationem, nunc in ordine *Prognosticam* illius disquisitionem proponemus: quam ob rem sciendum quod hæc tussis in *teneris* valde, admodumque *sensibilibus*, aut alias *valetudinariis* infantibus, præcipue *Rhachitide* laborantibus, *magis* periculosa, imo communiter *funesta* existat: quo *impetuosius* illa affligit, quo *sæpius* recurrit, quo *diutius* insistit, quo magis cum *aliis* affectibus *complicatur*, nec non aliarum *ordinariarum* evacuationum *turbas*, *imminutiones*, aut *retentiones* infert, eo *periculosior* illa etiam existit: quando illa tussis *symptomaticas* Hæmorrhagias *coactō* modo causatur, tunc status morbi magis *intricatus* & *pravus* est: præcipue vero contumax *alvi adstrictio* hunc affectum valde *exacerbat* & *pertinacem* ac *refractarium* reddit: vicissim vero *alvi liber* successus, aut *moderata* laxitas & lubricitas illum potius *lenit* & *tractabiliorem* reddit; proinde adversa talis *obstipatio* alvi interdum alium *latentem* arduum affectum, qui *brevi* eruclabit & cum priori se *complicabit*, prodit, sive fuerit *purpura alba*, aut *rubra*, aut *urticata*, aut *variolosus*, aut *morbillosus* aut *alius* affectus: præcipue vero *complicatio* hujus tussis cum *alba purpura* valde periculosa est, quoniam vel *solus* hic posterior

sterior affectus *teneram* hanc ætatem, ejusque vires superat, ut *facile* sub eodem infantes *succumbant*: quoniam itaque ab *utroque*, illo *tussiculoso* arduo, hoc *purpurato* periculoso morbo vires *eximie* enervantur, ita ex *duplicato* gravi tali periculo ægre emergit infantum natura: quando hanc tussim aut *typica*, tanto magis vero *anomala* febris *comitatur*, tunc iterum status morbi *periculosior* existit: si cum hac tussi *catarrhus suffocativus* conjungitur, tunc facile *funestus* morbi status supervenit: *Defluxio* humorosa serosa salsa acris *e capite*, intra *fauces* & *secessio* illius *intra pulmones*, hunc affectum eo *graviolem*, *per-*
tinaciorlem & *periculosiorlem* reddit; siquidem inter alios *Ballonius Lib. 4. Epid. Schneiderus de Catarrhis & Piso de morbis ex serosa colluvie sollicita & attenta observatio-*
ne hanc defluxionem annotant, illiusque *efficaciam*, ad *con-*
citandos morbos pulmonum, inprimis vero *tussiculosos* arduos & *contumaces* considerant & accusant: quando hanc tussim *aliquandiu*, suspecta *pectoralis sicca* tussis vel *antecedit*, vel *sequitur*, tunc *justus* subest metus, quod *alia* pulmonum *labes* & *vitiosa* constitutio adsit, quæ *ni-*
hilominus funestum exitum causatur: Si hanc tussim, quando jam *superata* & *curata* videtur, valde *difficilis* *re-*
spiratio, videlicet *dyspnoea*, asthma cum *clangosa* & *sono-*
ra aëris *inspiratione* sequitur, tunc communiter *infarctus* in pulmonibus hæret, qui brevi & facile in *corruptionem* funestam ruit; quando cum hac tussi motus *convulsivi* combinantur, *deterior* sane est totius affectus status, quoniam ab iisdem facile in *pulmonibus* perniciosi effectus oriuntur, dum sub reliqua *vehementi* tussiculosa commotione, hic superveniens nimius & *extremus* motuum gradus, facile arduas & perniciosas *alterationes* causatur, quæ *infarctum* in *nobili* viscere continent, sicut violentæ *vasorum* sanguiferorum *disruptiones* ab iisdem provenire possunt, imo etiam in hoc casu inter-

dum solent: Soporosi affectus, quando cum hac tussi concurrunt, eximium periculum portendunt & cerebri consentientem oppletionem humorosam, atque nervosarum illius partium enervationem præjudiciosam ex parte indicant, quibus si tandem motus convulsivi superveniunt, brevi funestus instat exitus: quando purpurea efflorescentia sua enititur. sed in excretionem actuali non progreditur, aut post efflorescentiam regreditur, periculosum est signum: si post mitioris purpuræ eruptionem tussis hæc non facile aut brevi remittit, suspectum est indicium & latitantes adhuc suspectas impuritates denotat: quicunque infantes hæreditaria quadam alia pectoris afflictione laborant, illi hac tussi correpti, valde periculose decumbunt: quicunque etiam impuros humores continent & ex intemperata diæta & malo regimine talem humorum dyscrasiam collegerunt, illi hac tussi ægrius laborant, & diutius affliguntur: aliquando accidit, ut hæc tussis scædam & pravam scabiem pedissequam habeat. Hæmoptysis actualis, præcipue larga, quæ cum hac tussi conjungitur, periculo plenissimum statum indicat, ut vel citius ipsa hac tussi expirent infantes, vel in phthisin & hecticam mortiferam delabantur: minor vero sanguinis expectoratio haud tantum periculum complectitur, sed faciliorem plenariæ restitutionis spem residuam continet, dum minor etiam interna læsio in hac ætate, ubi vegeta nutritio procedit, facilius reparatur: modo adversa non repugnet medicatio: quando superatam hanc tussim bonus appetitus, quietus somnus, libera respiratio, aperta alvus, tranquillus animus, vegetus regressus virium, naturalis color, extenuati corporis nova modica & successiva confirmatio excipit, bonum est signum: interea non silentio prætereundum est, quod nonnunquam hæc tussis in lethalem phthisin & hecticam, aut suspectam febrem lentam & ex hac in funestam iterum

rum hecticam delabatur: quando hanc tussim sudores nocturni, virium defectus, appetitus inconstans, animus abjectus &c. consequuntur, malum est signum: Et hæc sunt, quæ in compendio de Prognostica hujus affectus æstimatione & explicatione proferre placuit.

§. VII.

Convertimus nos jam ad *Pathologicam* illius explicationem, in qua ante alias meditationes *Epidemicam* hujus tussis qualitatem advertimus: haud enim præsens nostrum institutum postulat, ut causas tussis infantilis in genere pertractemus, sed potius ipso præmisso titulo significamus, quod hæc tussis *specialissimam* causam agnoscat; illa præcipua est aëris *intemperies frigida, humida, ventosa, alternans tepida, calida, calido-humida & frigido-humida*, quæ hanc ætatem valde *sensibilem* facile & eximie alterat; inde enim contingit, ut ob *variabilem* talem aëris qualitatem *pectori & pulmonibus* communicatam, nunc *copiosiores* humorum affluxus intra hasce regiones convocentur, nunc eadem partes subitanea *constrictione* afficiantur, adeoque humorum infarctui & *stagnationi* illico occasio præbeatur, hoc vero modo legitimus ordo in *progressu* humorum, nec non in *salutaribus* se & excretoriis functionibus turbetur, hincque pertinax congestio ad pectus invitetur; quoniam vero in *infantili* ætate humores *lymphatici & mucaginosi* abundant, tunc pulmones *iidem* humores, qui *alias* copiosius per eosdem transire solent, sub hac dispositione copiosius etiam *opplent*, & diutius detinent, unde *substantia* pulmonum *membranosa* relaxatur & per illam *largius* hi humores intra *cellulosam* pulmonum compagem confluunt; illico *aliquamdiu* stagnant, *viscidiores* consistentiam induunt, serum acre, una transiens, in suam *miscelam*, assumunt, quod teneram & *sensibilem* pulmo-

num substantiam *ulterius* irritat, reliqua vero congestio e reliquo corporis ambitu & tractu immoderatus continuat, ut *evacuata* licet *humorosa* pulmonum opple-
tione, indefinente tamen & contumaci fervore præ-
dicta congestio, novam talem materiam in *laxos* & af-
fectos pulmones transferat: siquidem ipsa vehemens,
& *frequens* talis tussiculosa commotio, semper a ter-
go novum magnum *humorum affluxum* concitat: hinc
per *intervalla* & moram talis transudans & in pul-
mones *secedens* materia colligitur, postea ita collecta
ejicitur & *iterata* vice ex reliquo humorum latifun-
dio in eundem locum affectum deferitur: *Materia*
vero quæ excernitur, non est *nude mucida*, sed largi-
us *lymphatica* gelatinoso-alimentosa; cujus *penuriam vi-*
sibili documento corporis *contabescencia* & privatio nu-
tritionis consequitur: ab hac etiam *gelatinosa* substan-
tia una cum sero *sulphureo* transudante, illa materia
quæ hac tussi ejicitur *flavescentem* suum colorem obtinet:
hinc *quo magis* infantes de tali *lymphatica* substantia par-
ticipant, imo quo plus tale serum continent, eo *a-*
cerbior hæc est tussis, eoque copiosior est expectoratio:
interea *diutius* continuans hæc *immoderata* tussis sem-
per *majorem* pulmonibus conciliat relaxationem, un-
de illi *affluxui* & *stagnationi* humorosæ eo minus *re-*
niti aut resistere possunt: *Principalis* itaque occasio,
quæ ad hanc tussim contribuit, a prædicta *aëris* qua-
litate & mutatione provenit, unde hic affectus *Epide-*
micus evadit, siquidem *tali* tempore *plures* infantes
hac tussi corripuntur; interea non repente hic affe-
ctus illam *aëris intemperiem* sequitur, quamvis ex e-
adem *primum incitamentum* proveniat, ut dein sua atro-
citate hic affectus irruat & continuet: hinc nonnul-
li infantes inquieti & cursitantes corpus suum valde
exæstuant, sub hac incalescentia *aërem frigidum* &
humidum.

humidum inspirant, indeque *stagnationibus* humorum in *pulmonibus* viam aperiunt: tot *diversæ* itaque qualitates auctioris *æstus* in sanguine, unde posthac *pulmones plus incalescunt*, deinde allabentis *frigidaë* auræ, nihil aliud ad hujus affectus *principalem* excitationem efficere & contribuere possunt, quam sanguinis cum *multa* *lymphæ* remixti *impetitiorem* progressum per *pulmonum substantiam*; quod impedimentum mox excipit *membranosaë* *pulmonum* *texturæ relaxatio*, quam *humidus* *aër* inspiratus multum promovet, nec non *lymphæ* *stagnantis* & per *relaxatos* *pulmones* una cum *mucagine* & *sêro* *transudantis* & *secedentis* *incrassatio*, quam *stagnatio* invitat & *aër frigidu* inspiratus promovet & adauget; unde facile demonstrari potest, quod hic morbus a *perversis* tempestatibus *aërisque injuriis* excitetur; quamvis *reliqua* humorum *intemperies*, in infantibus obvia, eundem *acerbiorém* & *per- tinaciorem* reddere queat soleatque.

§. VIII.

Quando subinde ex ejusmodi *aëris intemperie capi- tis* etiam *catharrhales* affectus oriuntur, velut *Coryza*, & *Gravedo* & materia *serosa acris* per *consensionem* & *conne- xam congestionem* *pulmonum* vicinitati communicatur & advehitur, tunc modo *excitati* *pulmones* majoribus & *acerbioribus* *congestionibus* affliguntur, hinc sub magna & *pertinaci* *congestionem* ad *pectus* tendente, alia *excretoria* loca, præcipue *alvus*, occluduntur, indeque *oppletio* *pectoris* *humorosa* & consequens *expectoratio* augetur: quoniam vero *hæc materia*, quæ per hanc *tusim* ejicitur, non modo *copiosa*, sed & *viscida* est, ita *quamdiu* in aliquo tractu *cellulosaë* *pulmonum* *texturæ* hæret, valde *difficilem* & *anxiam* reddit *respirationem*, donec uno impe- tu ad excutiendam hanc *molestam* materiam *tusis* super- veni-

veniat: ast dum *spissa* hæc materia sub ipso *expectorationis* processu & actu in intimioribus *minoribus*, deinde etiam *majoribus* asperæ arteriæ ramis obhærescit; & *aggre* ascendit, ita non modo sub qualibet tali expectoratione *suffocationis* metus imminet, sed & ad illam *avertendam* & materiam talem *excutiendam* maximo impetu *tussiculus* motus *augetur*, quod augmentum interdum cum *convulsivis* motibus combinatur: sub hac *vehementi* commotione *sanguis* valde ebullit & fortius intra *præcordia* & *caput* comprimitur, ut, magna harum regionum *oppletio* cum humoribus jungatur: ob id in hac *tussi una causa* aliam provocat; unus effectus *aliū* allicit; neque mirum esse potest, si ob tam *violentam* & vehementem commotionem *vascula* sanguifera, aut in *naribus* aut in pulmonibus disrumpant, & dehinc aut *navium Hemorrhagia*, aut *Hæmoptysis* concurrat: quid quod si *diaphragma* sub hac tussi tam vehementi *spastica* constrictione afficitur, facile contingit, ut per *consensum* ventriculus *vomitibus* se exoneret: quotiescunque vero tam vehemens & *anxius* paroxysmus transit, toties *vires* valde enervantur: dum porro sub & ex hac tussi *substantia* pulmonum magis *relaxatur*, hinc humores largius eo *confluere* eandemque texturam copiosius *implere* solent, unde evenit, ut *citius* & *largius* nova secessio hujus materiæ intra *vesicularem* pulmonum cavitatem contingat & propterea admirationem haud promereatur, unde *tam cito* iterum *nova* talis materiæ *quantitas* proveniat; si itaque undique ex pulmonibus confluit, tunc postea denuo tanto novo impetu ex diversis pulmonum *distanciis* hæc materia *convehitur*, ut ex *minoribus* in *maiores* asperæ arteriæ ramos, tandem in *bronchia* & *truncum* ejusdem arteriæ deferatur, quæ ubique sua *tenacitate* liberæ & facili excretioni valde resistit, unde sub excretionem tandem *suffocationis* commi-

natio:

nationem incutit, quæ ipsa materia in *capite tracheæ* fluctuans asperæ arteriæ *obstructionem* denuo minatur, ut *impetus* ille expectorationis usque ad *plenariam* ejus excretionem continuet; imo dum *infantis ætas* *majorem* proclivitatem ad *convulsivos* motus habet, hinc sub tam *eximia* afflictione, ubi adultiores homines sub metu *suffocationis convulsionibus* interdum corripuntur, tales motus *spastico-convulsivos* modo in *diaphragmate*, modo in *reliquo corpore* experiuntur: Et si *tanto morbo onerata* est *infantis ætas*, si *alimenta non bene ingeruntur*, nec bene *digeruntur*, quin potius per *vomitum* egeruntur, subinde tam notabilis *gelatinosi alimentosi* humoris copia expectoratur, facile dehinc *atrophicus* ferme status, aut corporis *contabescencia, impallescentia* & fibrarum *obrigescencia* ingruit, ut *externo* pariter conspectu *gravitas* hujus affectus emineat.

§. IX.

Quoniam porro infantes, non propter *debile*, sed *valde sensibile* genus nervosum facile in rebus *arduis* & *periculosis*, corpus attinentibus, ad *febriles* motus suscipiendos excitantur, ita non modo in alio gravi *catharrhali* & pectoris morbo, sed & tanto magis in hac *fontica* tussi febris irruit, quæ partim ob *generalem* affectus gravitatem, partim ob *specialem* vehementem pectoris & totius corporis commotionem allicitur, non ex confusa & *irrationali* necessitate, sed *eo respectu*, quo præsens periculum *alio motu* adjutorio avertatur: siquidem alias *moraliter* sensibiles homines facile in alia *fortiora* conamina delabuntur: Dum porro hac *impetuosâ* tussi tota humorum massa multa *necessariæ humiditatis* copia destituitur, ita facile *reliquus sanguis* suspectam *spissitudinem* induit, qui spissior sanguis sub hac forti commotione tussiculosa quaquaversum compulsus, *huc illuc* præcipue in *stricta* & *tabefacta* peripheria corporis, imprimis ubi *liberior aura* accedit, in aliquam *stasim* ruit, quam mox *inflammatio* & *suppuratio* consequitur: Si

D

por-

porro hujus *materiae*, quæ hactuffi ejicitur, expectoratio cohibetur, tunc facile *catarrhus suffocativus* supervenit, aut *induratio pulmonum*, aut consequens *phthisis & hectica*: qualis funesta *metamorphosis* facile a *perversa* medicatione provenire solet: proinde etiam a vehementi *succusatoria*, subinde etiam *irregulari* commotione humorum ad & per pectus, sub tali tussi contingente, facile perniciosus *infarctus* in substantia *pulmonum* provocari & consequens *corruptio* ac *hectica* combinatio invitari potest atque solet: in quibuscunque infantibus præterea alia humorum, præcipue *lymphæ*, *impuritas* concurrit, in illis *sensibiles* pulmones sub hujus tussis decursu gravius affliguntur & irritantur, ut *affluxus* humorum ad illos *pertinacius* continuet & totus affectus *diutius* duret: Seorsim etiam considerandum est, quod prædicta *aëris intemperies* in *aptis* subjectis infantilibus *purpuratum epidemicum* miasma concitare queat: nam quando certi infantes *copiosa* & simul valde *pingui* *lymphæ* præditi sunt, hacque *abundant*, si ex *dieta* bona & simul *spirituosa*, nec non ex frequenti *curstatione* & *exæstuatione* corporis *largiorem* feri *salsi acris sulphurei* copiam colligunt, si ob *aërem* ambientem *frigido-humidum*, præcipue huic statui quadrans excretio *peripherica* & moderate *diaphoretica* impeditur & cohibetur, tunc *inimicum* hoc copiosum serum cito & facile *lympham* invadit & contaminat, qualis *depravatio* deinde pro diversitate *specialis* humorum *mixtionis* aut in *albam*, aut in *rubram purpuram* degenerat; & hoc *purpuratum* miasma sicut *extrinsecus* teneram *narium* membranam afficit, ut per *longiorem* distantiam *odore* percipi queat, ita *intrinsecus* hac occasione, uti *congestionem* immoderatus *pulmones* affligunt, idem miasma *pulmonum* substantiam magis *stimulat* & præsentem *congestionem* magis *refractariam*, tussim vero *contumaciorem* & *vehementiorem* reddit: quo magis vicissim hoc inquinamentum *purpuratum* excernitur, eo magis *irritatio* illa in *pulmonibus* cessat & tussis sua *acerbitate* quadantenus *remittit*: idem inquinamentum *pur-*

pura-

puratum quando adhuc *humoribus intimius* inhæret sæpe *adstrictam* alvum *conjunctam* habet, velut *variola*; quando vero illud in *peripheriam* delatum & denique *penitus excretum* est, tunc alvi *evacuatio* interdum in ordinem consuetum transit; sicut vicissim hoc inquinamentum, ad intestina translatum & cum biliosa & acida recrementitia substantia confluens, perniciosas *diarrhœas* causatur: hoc *tussiculoso* etiam affectu proxime quidem pectus & *musculosa* illæ partes affliguntur & *enervantur* quæ ad *respirationem* administrandam *necessariæ* sunt, deinde vero *totum* reliquum corpus valde delassatur, ut *superato* etiam illo affectu lentius ad *pristinum* robur revertantur hætenus afflicti infantes: quando vero iterum *congestio*, quæ hætenus *pectus* occupavit, *cessat*, quando *ordinariæ* evacuationes in *debitum* ordinem abeunt, quando etiam *pectus* & *pulmones* necessarium suum *robur* obtinent, tunc facilius *pristina sanitas* revertitur; quo diutius *catarrhi capitis* cum hoc affectu continuant, eo magis *præsens* tussis quotidianum *incitamentum* nanciscitur, quam ob rem ad *illius* catarrhalis affectus tempestivam & *congruam* curationem prudens artifex animum & operam applicare debet: De reliquo non desunt exempla, quod *scabiosum* inquinamentum aut *retropulsus*, aut alia ratione ad *pectus* per singularem *congestionem* delatum, *extra* concursum *epidemicæ* rationis *talem* tussim concitaverit, quod per modum *exceptionis specialis* hoc loco annotare placuit: in quibus *pathologicis* animadversionibus, quantum *fundamentalibus* respectibus quadrant, subsistimus.

§. X.

Supereſt ut adhuc *Practicam* præſentis affectus tractationem ſubmittamus, quæ iterum *discrepat*, in quantum videlicet hic morbus *ſimplex* & *ſolitarius*, aut *complicatus* exiſtit: In hac *Therapeutica* diſquiſitione præmittimus neceſſarias *cautelæ*, in arduo hoc morbo probe obſervandas: omnes *ſtrenuæ* & *large* evacuationes in hoc caſu *nocent*, dum majorem *confuſionem* & *motuum turbam* concitant: præcipue hoc loco *vomitória* nocent, (niſi *urgens* & *ſpecialiſſima* ratio illa indicet) quæ *immoderatam* congeſtionem, *pectus* affligentem, magis *exacerbant*: *alvum* irritantia, quando *purpura* urget, *perniciosa* ſunt: *negligentior* vero *alvinæ* excretionis promotio, aut *illius perturbatio* perinde nociva eſt: *phlebotomia*, quam Sydenha-

mius in infantum *convulsiva* tussi admittit, hoc in affectu, neque *necessaria*, neque *utilis* est; remedia pectus valde *emollientia*, expectorationem admodum invitantia & *urgentia*, *pulmones* plus *relaxant*, affluxum humorum eo magis convocant & *reliquas* excretiones hoc tempore *magis necessarias* potius turbant: omnia *acida*, *adstringentia*, *incrassantia* & *crassa absorbentia* hoc in affectu valde sunt *inimica*, quia *necessariam* collectæ in pulmonibus materiæ evacuationem *impediunt*, ipsam illam materiam *magis viscidam* reddunt, alias *salutares* vero excretiones sufflaminant; remedia perquam *calefacientia*, *concentrata*, valde *commoventia*, *spirituosa*, nimis *acria*, uti in genere *infantili* ætati facilius *inimica* sunt, ita in hoc affectu locum non inveniunt: tanto minus, si *purpura* complicata est, quæ alias valde *activa* sic dicta remedia ægerrime perfert: *Sulphuris* usus in præsentī tussi, si non *prudens*, sed *promiscuus* fuerit, rectius *officit*, quam *proficit*: *prematura* profligatio *phthiſeos* in hoc morbo, per *communia* antiphthifica *facilius* hunc dirum & abominabilem morbum *convocat* & *accelerat*: *Simplieiora* aquea & *lenientia* magis *pulmones* *emolliunt* & *relaxant*, ut *infarctus* & *decubitus humorosus* diutius continuet, quæ ipsam tussim, subinde *pertinaciorē* reddunt: quæcunque remedia *alvinam* excretionem, magis *impediunt*, aut *exsiccant*, aut turbant, aut sufflaminant, illa in hoc affectu *eminenter nocent*, ut jam *antea* quadantenus monitum fuit: negligens *diaphoreses* *necessariæ* & *congruæ* promotio, affectui huic valde *præjudiciosa* est, tanto magis, si *purpuratus* morbus *complicatus* est, omne *regimen* *sensibile frigidum*, aut valde *æstuosum*, aut *inordinatum* in quolibet statu huic affectui *nocivum* existit: *Oleosa* destillata, quæ alias *pectoralia* dicuntur in hoc morbo *minus* simplicius oblata conducunt, quoniam *teneras* infantum partes valde afficiunt & *humores* in hac ætate alioquin facile *mobiles*, si nondum suspectam *spissitudinem* subierunt, nimium commovent & impellunt: *narcotica* & alia *efficaciora* sedativa in hac ætate *haud secure* ordinantur. quoniam firmiores & *contumaciores* alvi *obstructiones* causantur, *reliquas* necessarias & salutares excretiones magis *pervertunt* & *catarrhum suffocativum* provocant: remedia quæ *fauces* valde *irritant*, in hoc affectu rectius *omittantur*, quoniam facile *tussim* excitant & exasperant: multæ etiam *ventriculi* *oppletiones* nocent, quæ perinde *tussim* provocant; siquidem alias

infan-

infantes, quando paulo *plus* bibunt, aut *frigidulum* potum ingerunt, brevipost, tussim hanc fortius irruentem experiuntur, quoniam in hac tussi *ventriculus, diaphragma, pulmones & totum pectus* valde *consentiunt* & se invicem facile ad *consentientes* & mutuos motus excitant: *errhina & ptarmica* præcipue communia, aut fortia, remedia *non tutata* in hoc affectu sunt, quoniam caput *inique* commovent, *nervosas* partes magis debilitant & *congestionem* ad *superiores* regiones corporis magis impellunt: multa, *frequens & copiosa* remediorum *oblatio*, aut *mutatio* huic *etati*, huic etiam morbo *inversa* est; quicquid *purpuram* impetuosè expellit, inimicum est: quam ob rem totus hic affectus *leniter*, tamen *convenienter* & circumspectè tractari debet.

§. XI.

Quoad *positivam* præsentis affectus tractationem *practicam*, iterum *discrepantia* illa observanda est, in quantum videlicet hæc tussis *simplex & complicata* existit: *Simplex* hæc tussis hac *methodo* tractanda erit: *præmittenda* videlicet est, quamvis *alvus* etiam *aperta* fuerit, una alterave moderata *laxatio*, cum Manna in decocto *avenæ* dilutioni *fœniculato* soluta, aut in infantibus *minus* plethoricis, neque de *valde calido* temperamento participantibus, cum *pilulis Stahlianis*, vel in subjectis de *multa pituitosa* colluvie præditis cum *resina Jalapp. ppt. & mercur. dulc.* exiguis granis, cum *aniso stellato* mixta, perficienda; quodsi vero *suspecta* alvi *adstrictio* præsto fuerit, tunc prius per *chysteres* lenientes & mitius roborantes *spastica* illa strictura & *exsiccatio* intestinorum est emendanda; deinde post aliquot dies *laxatio* prædicta *subordinanda*; Si *suspecta* saburra in *ventriculo* hæret, quæ *leni* laxatione evacuari *haud* potest, interim valde *præjudiciosa* est & præsentem affectum *sustentat*, tunc illa cum *oxymelite squillitico* in decocto *avenæ* per *lenem vomitionem* educi debet; Deinde vero conducunt remedia præsentem *congestorium* motum *temperantia, discutientia* & revellentia. Ex temperantium classe sunt pulveres ex lap. 69. citrat. matr. perl. ppt. Corall. rubr. ppt. antimon. diaphor. nitr. purif. specific. cephal. aut loco hujus e cinnabari addita, parati. *Discutientia interna* sunt mitiora *diaphoretica* subjectorum ægrotantium *diversis* qualitatibus accommodanda; huc spectant *potiones* ex Aquis destillatis veronic. anisi, asthmatica, scord. c. b.

betonic. Scorzon. scabios. chærefol. ceras. nigr. flor. Sambuc. ut & ex lap. 69. citr. syr. ros. solutiv. enulæ, hyssop. & spirit. nitr. dulc. conficiendæ: in aliis infantibus conducit *mixtura* ex Ess. helen. vincet. anis. stellat. pimpin. alb. succin. & spirit. nitr. dulc. parata: plurimis in hoc affectu convenit *infusum Theiforme* ex rad. Scorzon. Liquirit. Sarsapar. Gramin. herb. Scord. tussilag. hepat. nob. veronic. capill. vener. hyssop. flor. chamomill. offic. sambuc. scabios. helenii: Croc. orient. Semin. anis. fœnic. bacc. laur. junip. L. Santal. citr. Passul. maj. Caric. pingui. quod infusum interdum cum *lacte caprino* aliquando cum *aqua Selterana* usurpari potest: *Extrinscus* pectori applicetur *sacculus* siccus *discutiens*, ex rad. valerian. angelic. ir. flor. caryophyllat. vincetox. herb. salv. matricar. serpill. meliss. betonic. rorismar. flor. chamom. vulg. aneth. sambuc. croc. orient. semin. anis. fœnic. &c. In infantibus *pituitosis* exhibeatur pulvis ex lap. 69. citr. corall. rubr. ppt. deinde ex dimidio grano flor. sulph. & exigua portione extracti croci: hanc discussionem adjuvat *regimen* moderatum *diaphoreticum*, nec non usus *decocti avenæ* dilutionis cum herba salviæ & semine fœniculi mixti: *revulsionem* subministrant in aptis infantibus *pediluvia*, leniora *rubefacientia* & inter hæc cepæ assatæ pedum plantis applicandæ; quando hæc tussis paululum *remittit*, tunc ordinanda sunt auxilia *pulmones* paulo *magis roborantia*, velut. Ess. anisi stellati, succini, Mastichis, pimp. alb. Valerian. Croci, Spirit. Sal. ammoniac. & nitri dulc. sub reliqua *tota cura* semper *interponantur* mitiora talia *roborantia*, ne nimium *relaxentur* pulmones: huc etiam conducit miscela ex Essentia dulci, Succin. balsam. peruv. mastich. & spirit. nitr. dulc. *Vertici* etiam applicetur *sacculus nervinus* & *discutiens* ex rad. angelic. valerianæ, caryophyllat. ir. flor. herb. matric. serpill. betonic. rorismar. major. menth. flor. chamom. utriusque, croc. orient. Camphor. anis. stellat. Storac. calam. N. M. &c. Quando in hoc *simpliciori* affectu tussiculoso *febrilis* motus concurrit, tunc compositiones *Essentificatæ* omittantur & potius pulveres *temperantes*, diaphoretici *fixi*, nitrosi, ut & prædictæ potiones *resolventes* & mitius *pectorales* ordinentur: cum ante commendatis vero *Essentiis* in omni
reliquo

reliquo statu hujus tussis *circumspecte* procedendum est, ne *sinistros* tales effectus provocent, quos *calidiora* remedia excitare solent.

§. XII.

Quando vero hæc tussis cum *purpura* complicatur, tunc *omissis* Essentificatis & spirituosis remediis potius ordinentur *blanda diaphoretica*, velut prædicti *pulveres* ex lap. 69. citr. M. P. ppt. corall. rubr. ppt. & exiguo nitri depur. nec non *potiones* ex temperatis aquis diapnoicis, additis etiam aliis *analeptics*, velut ceras. nigr. cinnam. simpl. naphæ, huc porro pertinent *emulsiones* ex aqu. destill. Scorzoner. Scabios. veronic. c. b. plantag. chærefol. e tenell. C. C. ceras. nigr. lil. convall. amygd. dulc. pineis & Sem. C.M. addito tantillo Essentiæ dulcis & sacchari: hæc Essentia dulc. in debilibus infantibus egregiam vim *confortantem* exserit: præter hæc conducit *dilutius* decoctum *avenæ* cum semine fœniculi, quod miasma *purpuratum* admodum corrigit, materiam e pulmonibus ejiciendam in sua *acri* qualitate temperat & spissam consistentiam ejus elubricat, proinde alvi *emollitionem* promovet: porro in hoc affectu loco potus cerevisiarii aut vinosi concedatur *modicus* potus herbæ *Thee* (non vero decocti Coffee) aut decoctum ex radice Scorzoneræ, C. C. raspat. & sem. fœniculi paratum: alvus in hoc casu adstricta non irritetur, sed hisce *lenientibus* adjuvetur: in *acutioris* febris nimio *æstu*, continentur pulveres sæpe citati *temperantes* parcius *nitrosi*, omissis antimonio diaphoretico & cinnabari: cum hisce remediis conjungatur *moderatum* regimen *efflorescentiam* purpuratam *adjuvans* & *conservans*, nec non reliquas *necessarias* lenes *diapnoicas* excretiones promovens: *emulsiva* nocturnis horis *dilutiora* adhibeantur; cavendo ne *nimis dulcificata* sint, ne *perversas* commotiones in *intestinis* flatulentas aut colicas excitent, neve plane suspectam *diarrhæam* provocent: *extra æstus acerbitatem* prædicta essentia dulcis aut sub *emulsionibus*, aut cum *pulveribus* aliquando & aliquoties exhibeatur quo vires *erigantur*, & subjugando ac *superando* hoc *arduo* morbo satisfaciant & sufficiant: Et hæc methodus continuetur per totum *purpuræ* decursum, donec pustulæ, quæ effloruerunt, *exsiccatae* & suis squamulis *separatae* sunt: postea aliquamdiu temperata *diaphoretica* continentur, quo *reliquiæ* impuritatis *purpuratae* sufficienter *excernantur*: porro subordinentur *usus infusi Theiformis*, nec non remedia

media pectus & pulmones *roborantia* in prædictis nominata & commendata, una cum aptis discutientibus, *affluxum* humorum a pectore avertentibus & temperantibus remediis: & ne in *pulmonibus* suspectus *infarctus* remaneat, cum infuso calido aut *lac caprillum*, (quod simul nutrientem & novam laudabilem lympham reparantem virtutem habet) aut *aqua Selterana* propinetur: præstat etiam quo *superato* hoc gravi morbo. una aut altera lenis *laxatio* cum *Manna* suscipiatur, hacque ratione *primæ regiones* repurgentur, ne *lena* aut *anomala* febricula superveniat, & huc usque afflictos infantes ulterius detineat & enervet: quando etiam quidam infantes hac tussi *simpliciter* laborarunt, tunc circa *finem* illius similis *laxatio* ordinanda, & *infusum calidum*, *pectorale*, sæpius commendatum, adhibendum, aut *mixtura* pectoralis *roborans*, antea laudata, usurpanda est: Et quoniam in hoc morbo *ventriculus* multum compatitur, ita sub cura *leniora stomachica* commiscenda & exeunte illa *modice* continuanda sunt, imo subinde *cautela* servanda est, ne revertente appetitu nimis *multa*, aut *comparate* largiori copia victus, *debilis* ventriculus *oneretur*, neve exinde *nova* molestia & afflictio excitetur; Sub *Dieta* sollicite vitanda sunt *acida*, crassa, tenacia & in genere *concoctu difficilia* alimenta, sed potius *liquida* gelatinosa alimentosa & *tenuem* lympham præbentia, insuperque *ordinarias* excretiones *sublevantia* & adjuvantia; in fine curæ ordinentur etiam diætetica roborantia, & inter hæc *vinum generosum*, parca tamen quantitate; potus porro *temperatus*, *sufficiens* concedatur, ut denuo corpus necessaria *humiditate* instruat indeque *excretiones* facilitentur: aëris *temperata* constitutio eligatur & adhibeatur, ne *periculosa recidiva* ingruat: Tali methodo *utriusque* conditionis tussis infantum *Epidemica* secure & divina gratia præcipue cooperante bene & funditus aliquoties curata fuit. Sed acquiescimus nunc in præsentī tractatione: DEO humillimas agimus gratias, quod in hoc labore divino suo adiutorio nobis adstare voluerit, quem devotissimis etiam precibus flagitamus, ut sua benedictione nostros conatus perpetuo comitetur, quo iisdem semper exoptatus immineat

F I N I S.